

Okulima emboga ez'okutunda wamu n'endabirira yaazo – Kifune bulungi (Ekitundu ekisooka)

Ebiteekebwa mu bulimi n'obulunzi okugeza, ensigo ez'omutindo, ziwa enakungula amalungi ne ssente eziwerako. Endokwa ezivudde mu nsigo ez'omutindo zijja kubeera z'amaanyi era zikulire kumu nga zifaanagana, era n'ebirime bijja kukula manguko.

Okunoonyereza kulaga nti emboga ezisiba zisaanikira mangu nnyo ekika ky'emboga ezimanyiddwa nti tezisiba. Obulimi bw'emboga mu Kenya bulimu engeri bbiri; esooka, z'emboga ezirimwa nga za kutundira mu ggwanga era eziriibwa abantu abaabulijjo, n'emboga ezirimwa nga za kutunda bweru wa ggwanga. Abatunda ensigo z'ebimera abayitibwa Simlaw seeds balaba nga abalimi bafuna ensigo z'emboga ez'omutindo. Abalimi abalima ebitonotono basobola okwongera ku makungula gaabwe n'ebitundu abiri ku buli kikumi, era ne bakendeeza okufiirizibwa n'ebitundu asatu ku buli kikumi.

Okulima emboga

Emboga zikula bulungi mu ttaka ery'olusenyusenyu eritalegamamu mazzi nga lirimu ebigimusa eby'obutonde, n'olunyo lwa bipimo ebiri wakati w'omukaaga n'obutundu musanvu okutuuka ku kipimo ekiweza omusanvu. Kimera kya njawulo ekisobola okukula nga kigumira embeera y'obudde ey'enjawulo.

Waliwo ebika by'emboga bingi ebisobola okukula obulungi mu budde obuweweevu ate ebirala ne bikulira bulungi mu budde obw'ebbugumu.

Ebika by'emboga

Kikulu okumanya ebikwata ku mbeera y'obudde mu kitundu osobole okulima ekika ky'emboga ekituufu. Emboga eyitibwa Gloria Fl ky'ekika ekisinga okumanyibwa ennyo mu balimi. Kikulira mu mbeera zonna ez'obudde.

Okukozesa ensigo ez'omutindo kimu ku bintu ebyongera ku ebyo ebiggibwa mu bulimi n'obulunzi mu nkola yonna ey'okulima n'okulunda.

Ebirungi by'okukyusa obutaffaali bw'ekirime mu meetegererezo g'ebyassaayansi

Ebirungi mulimu: okweyongera mu bungi bw'amakungula g'ekirime, okukendeera kwa ssente ezisaasaanyizibwa ku kukola emmere n'eddagala, okukendeera mu kwetaaga okukozesa eddagala eritta ebitonde ebyonoona ebirime, okwongera ku bungi bw'ebiriisa n'omutindo gw'emme, okuba nga tebirumbibwa bitonde ebyonoona ebirime awamu n'endwadde.

Kya mugaso abalimi okukozesa ensigo ezimaze okugezesebwa ku ndwadde n'ebitonde ebyonoona ebirime. Okukebera ettaka kwe kwekenneenya ettaka okuzuula ebipimo by'ebiriisa wamu n'obuwuka obulyonoona. Era n'ekipimo ky'olunnya, oba ettaka lirimu ebiriisa, amazzi oba obuwuka obuyamba okubeera n'ennimiro ennamu obulungi.

Soma ebisingawo ku nnima ey'okukola amagoba awamu n'endabirira y'emboga – Kifune mu butuufu bwakyo ekitundu ekyokubiri.